

6

تورک بوروی

جل : 1 Say : 6 26 kaimusani 1327

تورکک قاندهت چالشیر
اون بش کونده بر چیقار

ضعیف، صولغون قادینلر.. ملول، محزون چوجوقلر..
 بوتون بونلر ایچون سن تسلیسک، امیدسک .
 اوییلانمش حسرتلر ،
 زهرلنش کنجکلر ، غریب قالمش شفققلر ،
 کوز یاشلری ، رؤیالر و دعالر هپ سنک !...



سن هر کیج اویالچین قایالغک اوستندن
 دو مانلره قیرمزی علوکی صاچارسک ؛
 اوجانلار آغیزلی کردابلرک اوکندن
 کیلره سلامت یوللرینی آچارسک .

محمد امین



دینک دفتری

صحنه - ۴۹

کوزلر

دون آقشام یوکسک والیمی سکوتی ، اوزانان ، ییتمه یین سوزلرله مدح
 ایدهن « رودنباخ » ی اوقویوردم ؛ ایکی ساعت سورهن یورغون بر قرائندن
 صوکره آرتق سینیرله نوب ، قاپادم . ساعت بر . قاریولامک یاننده کی ماصه اوستنده
 یانان مومک صابی ترس طرفندن بیتیشمش مینی مینی تورونجی بر آرمود کی
 دوران آلهوینی قوپاردم . قارانلق ...

اوطه مک دیوارلرنده ، رافلرنده ، اوتهنده بریسنده هپسی هر زمان کندی
 یرینک صاحبی اولارق قورولان اشیا بردن بره قاراردی ؛ هپسنک هر زمان
 کوره کوره آلیشدیغم ، هپسنک هر زمان بکا برشی سویله یین ، کولن ، آغلایان ،

قیزان، صومورتان، آجیان، اوقشایان، فقط دائماً، دائماً سوون وسویلن یوزلرینه بردن بره قالین برسیاه پجه ایندی؛ آرتق اونلری کوره میوردیم؛ آرتق اونلر یوق اولمشدی. کیم بیلیر بلکه کوزه کورونمه یین و تکرلککرینک سسی چیقما یان برشیطان آراباسنه کورونمز، چویک، اسرارلی آلر اونلرک هپسنی بر آنده یوکلتدیلر، کوتوردیلر. اوطهم شیمدی بوش. بوش و سیاه ...

یالکیز بوش و سیاه ده کل، اوطهم شیمدی یوق! چونکه نه بعضاً آناختاری چویریرکن ایچریدن صاغیر بر کورولتو دو یارق بر قاچ دقیقه اوکنده تیرهدیکم قاپی یی، نه بعضاً آلتک آتشی جاملرینه براقدیغ پنجره لری، نه بعضاً کوزلرمله دملک ایسته دیکم، بعضاً اوزرنده هیچ بر یازی یه بکزمه یین و هر زمان ده کیشن بیک رنکلی چیزکیلر کوره رک اوقومق ایچین چیریندیغ دیوارلری، نه بعضاً - اووخ اکثریا - باشمه ییقلسین دییه ایسته یوب بلکه دیکم طاوانی، هیچ بر یی آرتق کوره میوردیم؛ آرتق اونلر یوق اولمشدی. کیم بیلیر بلکه اوفکلی بر بری، اونلرک بخله هر زمان اوغراشانلرندن بری، قدرتنک اسراری اوستنده طوپلانان آلتون دککنکک بر دوقونوشیله اوطهمک درت گوشه قاپاغی قالدیردی، یوقلقلره فیرلاتدی ...

وین شیمدی قورو بردوشه مه اوزرنده دوران وتللی قیمیلدانارق بی تیرهن قاریولامک ایچنده، اشیاسی وحدودی سیلینوب بوش، قارانلق و نامتاهی مسافه ایله بیتیشیک قالان بومسطح اوطه ده، باشمک آلتنده بر درلوراحت دورمایان یاصدیقلری دوزه تمکه جسارت ایدمه یه رک، یالکیز آلتی و کوزلری دیشاریده براقوب صاریندیغ یورغانک قوتلی قوللر کبی وجودی کیتدکه صیقشیدیران تضیق دائره سنندن قورتولمق ایچین حرکت ایتمکدن قورقارق اویقوی بکلیورم ...

اویقو ... حرارتدن قورو یان، چانلایان دوداقلر بر داملا صوی ناصل بکلر سه اوئی اویله بکلیورم. ایستیورم که اوده بنم یانان دماغه دوکولسون. ایستیورم که اشیامی چالان، اوطهمی ییقان، بی بویله بوشلق وقارانلقده بر افان،

اسرارلی آلرکلسین. آچیق و کرکین کوز قاپاقلریمی قاپاسین وینه آچیلماق ایچین کیرپیکلریمی بربرینه باغلا سین .

بوشلغه وقار ائلمغه باقان کوزلر مک اوکنده بردن بره منور بر بولوط جانلانیدی، اوستنده علام سمانک بوتون رنگلرله نقطه لر طوتوشان بولوط... کوزلرم خفیفجه یانیدی؛ بوتون وجودی صیجاق بر آل اوقشادی؛ باشمده دیکیلن صاچلرم یوموشادی، یانیدی، قلم کوکسک ایچنده چیرینماسی براقدی... اوستنده علام سمانک بوتون رنگلرله طوتوشان نقطه لری بر بوغوکچی صاران منور بولوط اوچدی؛ و اوقظه لر تیره یه رک پیریلدا یارق، یانوب سونه رک یاواش یاواش رنگلری و شکللری ده کیشیدریدیلر؛ ایکیشر ایکیشر یاقلاشدیلر، دیزلیدیلر؛ کولن، آغلا یان، آجیان، آکلن، یالواران، قورولان رنگ رنگ کوزلر اولدیلر. هپسی دماغده درین ویاسطی بر ایزی جانلاندیران بو کوزلرک مجادله سی نه قدر سورودی بیلمیورم. شوخ، باغین بررکوک پارچه سی کی درینله شن ماویلر، سینیرلی و خیر چین برر داغی کی کوپورن یاشیلر، اوقدر قورقدیغ کیجه لر کی کیزله نن سیاهلر و صوکره بوتون انجه فرق لری طانیوب آیرا مادیم نه قدر باشقه کوزلر آراسنده اولوملرله بیتن بر محاربه یی سیرایده رکن آرتق هر شیئی اونو تمشدم... نهایت هپسی ایکیشر ایکیشر سوندیلر. حالا اولنرک قانلری کیرپیکلرنده تیره ین صوک قالان چیفت دماغمک درین ویاسطی هیچ بر ایزی طانیایان یا بانجیلردی. طانیدیغ، سودیکم بوتون اونه کی چیفتلری کوزلر مک اوکنده اولدورن بویانجی و جراتلی چیفت کیرپیکلرنده حالا اولنرک قانلریله وامر ایتمک آلیشانلره مخصوص بر طورله بکا یاقلاشدی؛ رنگنی تعیین ایده مدیکم بیکلرندن بیکلرک بوتون بو اولوملرک یاسلری کوکسند طوبلانان محزون، چیلغین، فقط قورقاق بیکلرینه آله و سز، رنگسز بر آتش دوکولدی. کوز قاپاقلرم قاپاندی. اثری بر آل کیرپیکلریمی باغلادی، دوکوله دی .

آرتق بوشلغی وقار ائلی ده کوره میوردم . یالکزیک یوکسلر دن دوشو بور صانیلاجق قدر آغیر، اوزاق، معظم، الهی برسس قولاقلمده عکس ایتدی:

« بوتون طوتونديڭ شيارى ييقدىم، ده ويردم. بوتون يىڭك آتش منبىلرغى
 قوروتدم. كوزلرغى بوتون كاشانه قاپادم، كير بىكلرغى باغلادىم، صيقى صيقى
 دو كوله دم. شىمدى اويو. وبواويقوك ابدى اولاجقدر. رۇيالركه هپ بى
 كوره جىكسك ... »

صوكره داها اوزاقلاشارق دوام ايتدى :

« بى ده كل خيالى ... »

مستىخى

مهرول ماهر



تورک ماصاللىرى

۲

اوبالرده ...

صوك بهارك نادر بولونور بر كوفى ايدى. سما لىكسز، كونهش ايليقدى.
 بر آرقاداشمله ازنيقه دوغرو كيديوردق. اوزاقدن لاجورد كورينن طاغلره
 قاووشمشدق. يوكسك قايلار، درين اوچوروملر ك يانلرندن كچن اينجه اورمان
 يوللرندن .. داللى بر بريله قوجاقلاشان آخاجلر آراسندن ايلريله مكده ايدك.
 آتلىمىز، صولويارق، طولاشا طولاشا بىزى يوكسكلره چيقاريوردى.
 اوتەدن طيراق طيراق .. بالطه سسى، بهريدن بر چوبانك اوزون ودوز
 نغمەلى توركوسى. بوينده يانمش اورمان قطعه لرى، غدار بالطه لره ده وريله رك،
 يارالانارق براقيلمىش بر چوق آخاجلر، بىكلرجه يانمش، چورومش ثروتلر.
 چاپلر ك، چاغلانلر ك، قوشلر ك سسلرى. قديد داللك، چاملر ك اوغولتوسى.
 يرلره دو كولمىش قورى يابراقلر ك صوغوق خيشرتيسى.
 قولاقلرده بر ولوله سزلك. كوزلرده علوى منظره لر. بورونده ؛ جكلرده
 صاف بر طاغ هواسى حظى. روحده كيمسه سزلكه بكنز طاتلى بر حزن ..
 اك يوكسك بر صيرته وارمشدق. بوراسى اينميتله، ازنيق آراسنده ايدى.